

Uunga siunnersuut: Namminersornerullutik Oqartussat kommuunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata allanngortinneqarnera pillugu Inatsisartut inatsisaat (Inissianik attartortittakkanik pigisatut inissiannngortitsineq, kaaviaartitsinissamut inerteqqut, piffissaq sioqqullugu taarsigassarsianik akiliineq il. il.)
(Ineqarnermut Attaveqaasersuutinullu Naalakkersuisoq)

Akissuteqaat

(Ineqarnermut Attaveqaasersuutinullu Naalakkersuisoq)

Aappassaaneerpeqarnera

Naalakkersuisut sinnerlugit Sanaartornermut Ataatsimiititaliaq, isumaliutissiissuteqarneranut aammalu peqqissaartumik ataatsimiititaliap sulisimaneranut, qutsavigaara.

Naalakkersuisuni nuannaarutigaarput ataatsimiititaliami amerlanerussuteqartut siunnersuutip akuerineqarnissaa inassutigimmassuk.

Ataatsimiititaliaq isumaliutissiisummini allappoq, inissiat inissianut nammineq pigisanut allanngortinneqarnissaat sioqqullugu iluarsaanneqartussaansut iluarsaanneqartussaannnginersulluunniit erseqqarinngitsoq. Tassunga atatillugu ataatsimiititaliap oqaatigaa, aningaasaqarnikkut sunniutaasussat, aserfallatsaaliuisoqassappat iluarsaassisoqassappallu aningaasartuutissat, erseqqarinnerusumik paasinarsisinneqartariaqaraluartut.

Inatsisissatut siunnersuut manna ineqarneq pillugu aaqqissuusseqqinnissaq, arfineq marlunnik immikkoortoqartoq, pillugu politikkikkut isumaqatigiissut eqqarsaatigalugu isigineqassaaq. Ineqarneq pillugu aaqqissuusseqqinnissami siunertaavoq ineqarnermut suliassaqarfimmi oqimaaqatigiilersitsinissaq aammalu innuttaasut imminnut inissiamik pilersornissaannut periarfissaqarnissaannut tunngavissiinnissaq, taamaalillutik taakkua siunissami inigisaminik piginnittuulersinnaassallutik. Namminersorlutik Oqartussat inissiaataannik attartortittakkanik piginneqatigiilluni inissiannngorlugit allanngortitsinissaq, ineqarneq pillugu aaqqissuusseqqinnerup immikkoortuata *Namminersorlutik Oqartussat inissiaataasa ikilisinneqarnissaannut* tunngasup atuutsinneqalernissaanut ilaasutut ilaatinneqarpoq.

Ineqarneq pillugu aaqqissuusseqqinnissami allassimavoq, Namminersorlutik Oqartussat inissiaataannik ikilitsinissaq pillugu politikkikkut isumaqatigiissutip isumaqatiginninniutigineqarnissaanut aggersaasoqassasoq, taannalu tunngavigalugu Namminersorlutik Oqartussat inissiaatai attartortittakkat sorliit, piginneqatigiilluni

inissianngorlugit imaluunniit nammineq pigisatut inissianngorlugit
allanngortinneqartussaanissaannut pilersaarut aalajangersimasoq suliarineqassasoq.

Naalackersuisuni ataatsimiititaliap isumaliutissiisuutai naleqquttojussuuartut isigaagut,
taakkualu politikikkut isumaqatiginninniarnerni ilanngunneqartariaqartut isumaqarluta.

Naalackersuisunit taamatut oqaaseqarluta, siunnersuutip akuerineqarnissaa siunertaralugu,
siunnersuut pingajussaanneernejartussanngortinneqassasoq, inassutigaarput.